

ایمام سجّاد(ع) بنش سعادتلی توصیه سی

رحمتلیق قطب الدّین راوندی اؤز کیتابیندا گتیریب: ایمام سجّاد(ع) صوبح نامازین قیلاندا؛ اؤز یئرینده اگلشیب گون چیخاناجن دوعا ائدردیله؛ گون چیخانجان سونرا اؤزو و خانوادده سی نین ساغلاملیغینا ایکی رکعت ناماز قیلاردیلار و سونرا بیر آز یاتاردیلار.



1. رحمتلیق قطب الدّین راوندی اؤز کیتابیندا گتیریب: ایمام سجّاد(ع) صوبح نامازین قیلاندا؛ اؤز یئرینده اگلشیب گون چیخاناجن دوعا ائدردیله؛ گون چیخانجان سونرا اؤزو و خانوادده سی نین ساغلاملیغینا ایکی رکعت ناماز قیلاردیلار و سونرا بیر آز یاتاردیلار.

یوخودان دوراندان سونرا، دیشلرین میسواکلابی سونرا صوبحانه یه مشغول اولاردیلار. (1)

2. رحمتلیق کلینی، ایمام صادق علیه السّلامدان نقل ائدیپ یازیر: هر وقت ایمام سجّادین(ع) کوره کنلریندن بیر ائوه وارید اولاردی، ایمام سجّاد اؤز اباسین چیگنیدن آجیب اونون اوچون بئره آچاردی تا اونون اوستونده اوتورسون.

و سونرا کوره کئینه بویوردی: خوش گلیسن، کی سن هم خانوادده وین هزینهلرین تأمین ائدیرسن و هم، اؤز ناموسیوی نفسانی هوسلردن و اجنبیلردن موغایات اولورسان. (2)

3. بیر گون ایمام سجّاد علیه السّلام ناماز قیلردیلار کی ناماز اوسته او حضرتین آباسی چیگنیدن توشدو و حضرت فیکیر وئرمه ییب نامازینا ایدامه وئردی. ناماز قورتولاندان سونرا او حضرتین اصحابیندن بیر قاباغا گلیب دئدی: یا ابن رسول الله! نییه ابا چیگنیزدن توشنده اونا فیکیر وئرمه دیز و نامازیزی ایدامه وئردیز؟

ایمام علیه السّلام بویوردو: بو نه اعتراضدی ائلیرسن!؟

بیلیرسن من ناماز حالیندا کیمین قاباغیندا دورموشدوم؛ و کیم اینن دانیشیردیم؟

آیا فیکیر وئرمیرسن کی نامازدا هر نه قدر خالیصانه و آلاّه تعالیا کامل دیقّتین اولسان همان میقداردا نامازین آلاّه درگاهیندن مقبول اولار؟

او شخص دئدی: پس وای بیزیم حالیمیزا کی چاره سیزیق.

و حضرت بویوردو: آلاّهین لطف و رحمتیندن اومودسوز اولمایین، چون آلاّه نافیه نامازلارینان نامازلارین ناقیصلیقلارین جویران ائدر و کامل لهدر. (3)

4. بیر گون نفر حضرت سجّاد علیه السّلامی چوخ تعریفله دی و او حضرته چوخ محبت ایپراز ائله دی. ایمام علیه السّلام بویوردو: ائی آلاّه، سنه پناه گتیریرم بوندان کی آیریلاری منی سئوهرلر اما سن منی دوشمن سایاسان.

هابئله ریوایت ائدیله کی: بیر گون عرفه گونو ایدی، او حضرت بیر یئردن سوووشوردو، نئچه نفری گوردو کی یولچولوق ائدیله و اوندان بوندان کؤمک ایستیرلر.

حضرت اونلارا تعجوبلی باخیب بویوردو: وای اولسون سیزه کی بئله بیر گونده -عرفه گونونده- آلاهدان غئیریندن کؤمک ایستیرسیز و اومود گؤزورون اونلارین کؤمگینه باغلامیسیز. (4)

5. رحمتلیق کلینی شریف کافی کیتابیندا گتیریر: سعید بن مسیب آدیندا بیر نفر ریوایت ائدی: بیر گون ایمام سجّاد علی بن الحسین علیهما السّلامین موبارک محضرینه وارید اولدوم، بیر حالداکی او حضرت ناماز اوستوندهیدی. نامازلارین قورتارانندان سونرا بیر نفر قاپینی دؤیدو. حضرت بویوردو: یولچو گلیب و کؤمک ایستیر، اونو الی بوش قایتارمایین. (5)

آلت یازیلار:

1- اعلام الوری 297؛ کشف الغمه 2/286؛ اعیان الشیعه 1/630.

2- طبقات ابن سعد 5/156.

3- آل محمد تاریخی 127؛ سئچیلیمیش تاریخ 203.

4- ارشاد 2/154.

5- اعلام الوردی 297؛ کشف اغمه 2/284؛ فصول المهمة 209؛ نور البصار 142